

**2018 թվականի ընթացքում Հայաստանի Հանրապետության
պետական վերահսկողական ծառայության կողմից կատարած
հիմնական աշխատանքների արդյունքների վերաբերյալ**

Հաշվետվություն

ՀՀ պետական վերահսկողական ծառայությունը (այսուհետ՝ նաև Ծառայություն) պետական վերահսկողության ոլորտում գործող վարչապետին ենթակա նորաստեղծ պետական կառավարման համակարգի մարմին է, որի ղեկավարը պաշտոնի է նշանակվել ՀՀ Վարչապետի 2018 թվականի մայիսի 21-ի թիվ 533-Ա որոշմամբ: Նշված ժամկետից մինչև 2018 թվականի ավարտը Ծառայության կողմից իրականացված ուսումնասիրությունների արդյունքում հայտնաբերված խախտումների հիման վրա ընդհանուր վերականգնվել է 761.064.000 ՀՀ դրամ գումար:

Կատարած հիմնական աշխատանքներ

1. Ծառայության ղեկավարի 2018թ. հուլիսի 3-ի թիվ Հ/001-18 հանձնարարագրի հիման վրա «ԲԷՑ» ՓԲԸ-ում իրականացված ուսումնասիրության արդյունքում՝
 - 2017թ. գործունեության ժամանակահատվածի մասով հայտնաբերվել և վերականգնվել է 152.500.000 ՀՀ դրամ «Բարձրավոլտ Էլեկտրացանցեր» ՓԲ ընկերության հաշվեհամարին, և առաջիկա ամիսներին կվճարվի ևս 157.775.000 ՀՀ դրամ,
 - 2017թ. սեպտեմբերի 23-ին «Բարձրավոլտ Էլեկտրացանցեր» ՓԲ ընկերության և «Մոնտաժտրանսշին» ՓԲ ընկերության միջև կնքված կապալալին աշխատանքների կատարման «ԲԵՑ-ԲՄԱՇՁԲ-17/34» պայմանագրով նախատեսված ընդհանուր գինը նվազեցվել է 40.000.000 ՀՀ դրամով,
 - Ծակքար համայնքի համայնքապետի կողմից հենասյուների ծրագիծ հողամասերի ձեռքբերման հետևանքով պետությանը պատճառված վնասը փոխհատուցվել է Ծառայության հաշվեհամարին ` 14.773.000 ՀՀ դրամ,
 - «Բարձրավոլտ Էլեկտրացանցեր» ՓԲ ընկերությունում իրականացված ուսումնասիրությամբ պարզվել է, որ 2002-2014թթ. ժամանակահատվածում «Բարձրավոլտ Էլեկտրացանցեր» ՓԲ ընկերության գլխավոր տնօրեն հանդիսացած Սահակ Աբրահամյանի գործունեության արդյունքում, «Բարձրավոլտ Էլեկտրացանցեր» ՓԲ ընկերությանը պատճառվել է շուրջ 134.000.000 ՀՀ դրամի վնաս, որի վերաբերյալ կազմված տեղեկանքն ուղարկվելու է ՀՀ գլխավոր դատախազություն՝ գործին համապատասխան իրավական ընթացք տալու նպատակով:
2. Ծառայության ղեկավարի 2018թ. հուլիսի 6-ի թիվ Հ/004-18 հանձնարարագրի հիման վրա ՀՀ սփյուռքի նախարարության «Հայրենիք-սփյուռք կենտրոն»

ՊՈԱԿ-ում իրականացված ուսումնասիրության արդյունքում վերականգնվել է 100.000.000 ՀՀ դրամ գումար:

3. Ծառայության ղեկավարի 2018թ. հուլիսի 23-ի թիվ Հ/008-18 հանձնարարագրի հիման վրա «Լուսանշան» ՊՈԱԿ-ում իրականացվել է վերջինիս 2014-2018 թվականների ընթացքում իրականացված գործունեության ուսումնասիրություն: Ուսումնասիրության արդյունքում պարզվել է, որ 2016-2018 թվականներին ՊՈԱԿ-ի կողմից պետությանը պատճառվել է 209.787.000 ՀՀ դրամի վնաս, որն ամբողջությամբ վերականգնվել է ՀՀ պետական բյուջե: 2014-2015 թվականների գործունեության ընթացքում նախնական տվյալներով պետությանը պատճառվել է շուրջ 135.000.000 ՀՀ դրամի չափով գույքային վնաս, որը սակայն հաշվետու ժամանակաշրջանի ՊՈԱԿ-ի տնօրենը հրաժարվել է վերականգնել, իսկ ներկայացված նյութերի հիման վրա ՀՀ քննչական կոմիտեում հարուցվել է քրեական գործ:
4. Ծառայության ղեկավարի 2018թ. հուլիսի 24-ի թիվ Հ/009-18 և թիվ Հ/010-18 հանձնարարագրերի հիման վրա իրականացվել է ուսումնասիրություն 2018 թվականին ՀՀ ոստիկանության և «Ուկրինվեստ» ՍՊԸ-ի միջև կնքված շուրջ 1 000.000 ՀՀ դրամ արժողությամբ թվով 3 պայմանագրերի օրինականության և արդյունավետության վերահսկողության նպատակով: Ուսումնասիրության արդյունքում պարզվել, որ վերոնշյալ 3 պայմանագրերը կնքվել են ՀՀ-ում գնումները կանոնակարգող օրենսդրության մի շարք նորմերի խախտումներով: Բացի այդ, փաստացի կատարված աշխատանքների ուսումնասիրությամբ արձանագրվել է, որ դրանք կատարվում են թերի և անորակ, իսկ աշխատանքների նկատմամբ հսկողություն իրականացնող լիազոր մարմնի՝ ՀՀ ոստիկանության կողմից իրականացված հսկողությունն անբավարար է և կրում է զուտ ձևական բնույթ: «Ուկրինվեստ» ՍՊԸ-ի հետագա գործունեության նպատակահարմարությունը որոշելու նպատակով Ծառայության կողմից պատրաստված տեղեկանքը 2018թ. հոկտեմբերի 25-ին թիվ Ե/303-18 գրությամբ ուղարկվել է ՀՀ Վարչապետի աշխատակազմ, որի ընթացքի վերաբերյալ, սակայն, տեղեկատվություն առկա չէ:
5. Ծառայության ղեկավարի 2018թ. հոկտեմբերի 8-ի թիվ Հ/018-18 հանձնարարագրի հիման վրա իրականացվել է ուսումնասիրություն ՀՀ արդարադատության նախարարության «Աջակցություն դատապարտյալին» հիմնադրամում՝ վերջինիս 2016-2018 թվականների գործունեության վերաբերյալ: Ծառայության կողմից իրականացված ուսումնասիրության արդյունքում պարզվել է, որ հիմնադրամը փաստացի շեղվել է ՀՀ կառավարության կողմից հաստատված կանոնադրությամբ ամրագրված իր հիմնական նպատակներից: Իրականացված անարդյունավետ կառավարման հետևանքով պետությանը և հիմնադրամին պատճառվել է առանձնապես խոշոր չափերի գույքային վնաս, ինչի վերաբերյալ մանրամասն տեղեկատվություն կներկայացվի ՀՀ Վարչապետին առաջիկայում՝ նկատի ունենալով, որ ուսումնասիրության արդյունքների վերաբերյալ տեղեկանքը գտնվում է ամփոփման փուլում:

6. Ծառայության ղեկավարի 2018թ. հոկտեմբերի 8-ի թիվ Յ/018-18 հանձնարարագրի հիման վրա ներկայումս ընթանում է ուսումնասիրություն ՅՅ արդարադատության նախարարության քրեակատարողական ծառայությունում՝ վերջինիս կողմից կազմակերպված գնումների գործընթացների նկատմամբ օրինականության և արդյունավետության վերահսկողության նպատակով: Հանձնարարագրով ուսումնասիրության ավարտի ժամկետ է սահմանված սույն թվականի մարտի 20-ը:
7. Ծառայության ղեկավարի 2018թ. օգոստոսի 9-ի թիվ Յ/013-18 հանձնարարագրի հիման վրա «Հայաստանի ազգային ագրարային համալսարան» հիմնադրամում իրականացվել է ուսումնասիրություն, որի արդյունքները ներկայացվել են պատասխանատու կողմին: Վերջինս պատրաստականություն է հայտնել իրականացնել վնասի փոխհատուցում 350.000.000 ՀՀ դրամի չափով, որից 284.000.000 ՀՀ դրամն արդեն իսկ վերականգնել է, իսկ մնացած գումարը նախատեսվում է վերականգնել մինչև 2019 թվականի հունվարի 25-ը:
8. Ծառայությունը ՅՅ օրենսդրությամբ իրեն վերապահված մշտադիտարկում իրականացնելու լիազորությունների շրջանակում հայտնաբերված անհամապատասխանությունների և ռիսկերի վերացման նպատակով առաջարկել է կասեցնել թվով 7 մրցույթային գործընթացներ, որից միայն մեկի պայմանագրային արժեքը կազմում է 1.000.000.000 ՀՀ դրամ: Հաշվետու ժամանակահատվածում իրականացված մշտադիտարկումների արդյունքում կնքված պայմանագրերի արժեքներն արդեն իսկ իջեցվել են շուրջ 1.500.000 ԱՄՆ դոլարին համարժեք դրամով:
9. 2018 թվականի մայիսի 29-ից մինչև տարվա ավարտն ընկած ժամանակահատվածում Ծառայությունում կազմակերպվել է 1374 քաղաքացիների ընդունելություն: Ֆիզիկական և իրավաբանական անձանց կողմից Ծառայություն է հասցեագրվել 1003 դիմումներ, բողոքներ, առաջարկություններ, որոնցից՝
- պետաիրավական ոլորտին առնչվող հարցեր՝ 354,
 - տարածքային կառավարման և ենթակառուցվածքների ոլորտին առնչվող հարցեր՝ 197,
 - սոցիալական ոլորտին առնչվող հարցեր՝ 139,
 - տնտեսական ոլորտին առնչվող հարցեր՝ 47,
 - հանրային ծառայությունների ոլորտին առնչվող հարցեր՝ 266:
10. Ծառայության ղեկավարի 2018թ. հոկտեմբերի 15-ի թիվ Յ/019-18 հանձնարարագրի հիման վրա իրականացվել է ուսումնասիրություն ՅՅ Շիրակի մարզի Անի համայնքում, որի շրջանակներում պարզվել է, որ 2010-2018թթ.՝ իրավաբանական անձանց նկատմամբ չհաշվարկված հարկերի, տույժերի և տուգանքների ընդհանուր գումարը կազմում է 21.085.200 ՀՀ դրամ: Ծառայության ղեկավարի գրություններով պահանջված տեղեկատվության վերլուծության արդյունքում պարզվել է, որ 2013-2017 թթ.

կատարված 4.327.300 ՀՀ դրամ աշխատավարձի և 11.700.000 ՀՀ դրամի վառելիքի ծախսերը հիմնավորված և արժանահավատ չեն:

11. Ծառայության ղեկավարի 2018թ. հոկտեմբերի 22-ի թիվ Հ/023-18 հանձնարարագրի հիման վրա իրականացվել է ուսումնասիրություն ՀՀ Տավուշի մարզի Ազատամուտ համայնքում, որի շրջանակներում պարզվել է, որ 2010-2018թթ. ֆիզիկական անձանց նկատմամբ չհաշվարկված հարկերի և տույժերի ընդհանուր գումարը կազմում է 688.000 ՀՀ դրամ: Ծառայության ղեկավարի գրություններով պահանջված տեղեկատվության վերլուծության արդյունքում պարզվել է, որ՝
- պետական միջոցների հաշվին իրականացվել է 182.696.500 ՀՀ դրամի անարդյունավետ ծախս,
 - գնումների գործնթացի խախտմամբ՝ առանց գնման ընթացակարգ կազմակերպելու, կնքվել է 3.500.900 ՀՀ դրամի պայմանագիր,
 - ուսումնասիրված ժամանակահատվածում համայնքի բյուջեին պատճառված վնասը կազմում է 2.530.000 ՀՀ դրամ, չհիմնավորված ծախսը՝ 384.000 ՀՀ դրամ, իսկ համայնքի բյուջե պակաս մուտքագրված գումարը՝ 2.505.100 ՀՀ դրամ:
 - ավել դուրս գրված վառելիքի ծախսը կազմում է ընդհանուր 3.647.000 ՀՀ դրամ:
12. Ծառայության ղեկավարի 2018թ. հոկտեմբերի 18-ի թիվ Հ/028-18 հանձնարարագրի հիման վրա իրականացվել է ուսումնասիրություն ՀՀ Կոտայքի մարզի Նոր Գեղի համայնքում, որի շրջանակներում պարզվել է, որ 2010-2018թթ. իրավաբանական անձանց նկատմամբ չհաշվարկված հարկերի, տույժերի և տուգանքների ընդհանուր գումարը կազմում է 3.971.100 ՀՀ դրամ, իսկ ֆիզիկական անձանց նկատմամբ հաշվարկված 5.108.700 ՀՀ դրամի հարկերի և տույժերի մասով մուտքերն ապահովելու ուղղությամբ համայնքապետարանի կողմից միջոցներ չի ձեռնարկվել: Ծառայության ղեկավարի գրություններով պահանջված տեղեկատվության վերլուծության արդյունքում պարզվել է, որ՝
- 2013-2017թթ. համայնքապետարանի կողմից իրականացվել է 140.618.000 ՀՀ դրամի չհիմնավորված ծախս:
 - գնումների գործնթացի խախտմամբ՝ առանց գնման ընթացակարգ կազմակերպելու, կնքվել է 724.000 ՀՀ դրամի պայմանագիր:
13. Ծառայության ղեկավարի 2018թ. հուլիսի 31-ի թիվ 012 հանձնարարագրի հիման վրա ՀՀ Արմավիրի մարզի Էջմիածին (Վաղարշապատ) համայնքում իրականացվել է ուսումնասիրություն պետական միջոցների տրամադրման համար հիմք հանդիսացող տեղեկատվության արժանահավատության գնահատման և պետական միջոցների կառավարման օրինականության նկատմամբ: Ուսումնասիրության արդյունքում հայտնաբերված չարաշահումների դեպքերի վերաբերյալ համապատասխան նյութեր են ներկայացվել ՀՀ քննչական կոմիտե, ինչի արդյունքում հարուցվել է քրեական

գործ: Ըստ ՀՀ քննչական կոմիտեի կողմից հրապարակած տեղեկատվության՝ արձանագրված խախտումների հետևանքով համայնքին պատճառված վնասը, նախնական հաշվարկներով, ընդհանուր առմամբ կազմում է 590.000.000 ՀՀ դրամ:

14. Ծառայության ղեկավարի 2018թ. հոկտեմբերի 15-ի թիվ Հ/020-18 հանձնարարագրի հիման վրա «Մարալիկի արհեստագործական պետական ուսումնարան» ՊՈԱԿ-ում իրականացված ուսումնասիրության արդյունքում պարզվել է, որ ուսման վարձի փոխհատուցման մասով 2015-2017թթ. ընթացքում պետական բյուջեից ավել ստացած գումարը կազմում է 30.782.700 ՀՀ դրամ:
15. Ծառայության ղեկավարի 2018թ. հոկտեմբերի 1-ի թիվ Հ/017-18 հանձնարարագրի հիման վրա «Արտաշատ» ջրօգտագործողների ընկերությունում իրականացված ուսումնասիրությամբ արձանագրվել են մի շարք խախտումներ, որոնք արդյունք են պետությանը պատճառված առանձնապես խոշոր չափերի գույքային վնասի: Իրականացված ուսումնասիրության արդյունքները ներկայացվել են ՀՀ Վարչապետին:
16. Ծառայությունը համագործակցության շրջանակներում համապատասխան տեղեկատվություն է տրամադրել ՀՀ իրավապահ մարմիններին՝ վերահսկողության շրջանակներում իրեն հայտնի դարձած այն հանգամանքների մասով, որոնք ծառայության գնահատմամբ պարունակում են առերևույթ հանցագործության հատկանիշներ, որոնցից մի մասով արդեն իսկ առկա են հարուցված քրեական գործեր: